

MOZAIK



Nastavljena istraživanja u unutrašnosti Vranice

Ronioci su završili istraživanje oko 500 podvodnih kanala na izvoru Kruščice...

07.09.2009. 19:15

U organizaciji Speleološke sekcije i Gorske službe spasavanja iz Gornjeg Vakufa/Uskoplja tokom vikenda u tom gradu nastavljeno je istraživanje unutrašnjosti Vranice, u čemu su sudjelovali i gosti iz R.Hrvatske i Slovenije, članovi Speleološkog društva „Velebit“ iz Zagreba.

Amir Topčić, vođa gornjovakufskog speleološkog tima, kazao je Feni da je akcent u najnovijim istraživanjima stavljen na izvor Kruščice te gornju i donju etažu pećine Krupljanka.

- Ronioci su završili istraživanje oko 500 podvodnih kanala na izvoru Kruščice, čija ih je bistrina oduševila. Također, na gornjoj etaži istraženo je oko 1.000 metara pećine Krupljanka. U unutrašnjosti Vranice, koja predstavlja jedan od najljepših prirodnih dragulja u BiH, nalazi se blago koje namjeravamo istražiti dokraja, naglasio je Topčić, najavljujući uskoro nove aktivnosti na tom planu.

Autor: FENA